

Tiada banjir pada hari pertama fenomena air pasang besar

4M
7/10

SHAH ALAM 6 Okt. – Hari pertama kejadian fenomena air pasang besar tidak menyebabkan kejadian banjir di kawasan tanah rendah sepanjang Pantai Barat Semenanjung Malaysia.

Faktor tersebut berlaku berikutan keadaan cuaca yang baik dan tiada sebarang laporan hujan lebat dan ribut pada sebelah pagi dan tengah hari di sepanjang kawasan Pantai Barat.

Tinjauan *Utusan Malaysia* di sekitar kawasan Pelabuhan Klang awal pagi ini mendapati, fenomena air pasang yang berpunca daripada kedudukan bumi yang selari dengan bulan dan matahari itu tidak menyebabkan sebarang limpahan air laut ke kawasan berhampiran.

Beberapa anggota keselamatan yang berkawal di kawasan tersebut turut mengakui, situasi pada hari pertama fenomena masih dalam keadaan tenang dan terkawal.

Bagaimanapun, orang ramai, penduduk dan agensi penyelamat dinasihatkan supaya sentiasa bersedia kera-

na fenomena yang dijangka berlarutan selama empat hari akan mencapai paras bahaya pada Ahad ini.

Sementara itu, jurucakap Jabatan Pengairan dan Saliran (JPS) berkata, semua kawasan kritikal atau kawasan rendah di Klang terselamat dari banjir air pasang besar bermula seawal pukul 5 pagi ini.

Menurut jurucakap itu, ia berikutan paras air laut di Pelabuhan Klang yang dicatatkan pada pukul 5 pagi ialah setinggi 5.3 meter dan masih dalam kategori selamat.

“Sekiranya cuaca kekal baik seperti hari ini, kejadian banjir mungkin tidak akan berlaku sepanjang fenomena air pasang besar ini,” katanya.

TINJAUAN di Jeti Pulau Ketam dekat Pelabuhan Klang awal pagi semalam menunjukkan air laut naik lebih tinggi daripada biasa tetapi belum melimpah ke jalan raya.

